



Andreas Uldum
Inatsisartut
Demokraatit

§ 37 naapertorlugu apeqqummut nr. 166-mut meeqqat atuarfianni nerisaqartitsinermut tunngasumut akissut

Asasara Andreas Uldum

14. okt 2011
Sagsnr. SJ-STD-KAOL
Dok. Nr . 736525.

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiliin@nanoq.gl
www.nanoq.gl

Naalakkersuisut kiisami § 37 naapertorlugu meeqqat atuarfianni nerisaqartitsineq pillugu apeqqutitit akivaat

1. Suna pissutaava Kommune Kujallip kommunimi meeqqat atuarfimmi nerisarnissaat pillugu saaffiginnissutit tullerijaaat Namminersorlutik Oqartussanit akineqartarsimanginnerannut?

Akissut: Kommune Kujallip saaffiginnissutiminik akineqannginneranut pissutaavoq Naalakkersuisoqarfimmi suliamik suliarinnittut attaveqaqatigiinnerani ajutoortoqarnera, aammalu Naalakkersuisut suliasaqarfiisa upernaq allanngortinneqarnerisa kingorna saaffiginnissutit ajoraluartumik suliamik suliarinnittussamut anngussimanginneri.

2. Meeqqat atuarfimmi nerisarnissaannut ukiuni atuarfisuni 2009/10-mi aamma 2010/2011-mi tapiissutit tunniunneqarpat aamma qinnuteqaatit tiguneqa-reersut tunngavigalugit, ukiumi atuarfiusumi 2011/12-mi aningaasat qassit tapiis-sutigineqartariaqartussatut Naalakkersuisut taggippaat? Periarfissaqartillugu akissutit skematut ilusileqquneqarput.

Akissut:

Ukioq Atuarfiusoq	2009/2010	2010/2011	2011/2012
Akilerneqartut	4.455.305	1.097.908**	3.769.114,00*

*Meeqqat atuarfimmi nerisarnissaat 2012-imi ingerlaqqissappat. Meeqqat atuarfimmi nerisarnernannut aningaasaliissutit peerneqassappata kommunit ukiakkut atuarnermut 1.713.233,64 kr.-inik akiliiffigineqassapput.

** Kommuni Kujalleq tamarmi aamma Maniitsoq

3. Namminersorlutik Oqartussat tamakkiisumik akiligaanik nuna tamakkerlugu atuarfinni nerisitsisarnissaq pillugu Naalakkersuisut sunik takorluugaqarpat aamma neristsisarnarit assigiinngitsut pillugit aqqissuussinerit qanoq akeqartussat Naalakkersuisunit nalilerneqarpat?

A: Ullaakkorsiorneq (Issiigassat aamma assigisaat) neqeroortigineqartassaaq atuarnerup aallartinnerani aamma ullup qeqqasiutissat taquatut agguaanneqartassapput anitsiarfissuarmi.

B: Ulloq naallugu nerisassat taquat ullaarnganiit agguaanneqartassapput.

C: Ullaakkorsiorneq (Issiigassat aamma assigisaat) neqeroortigineqartassaaq atuarnerup aallartinnerani aamma kissartut ulloqeqasiutit anitsiarfissuarmi.

Akissut: Namminersorlutik Oqartussat 100%-imik aningaasalersugaannik meeqqat atuarfimmi nerisarnernannik aqqissuussinermik atuutilersitsinissamik Naalakkersuisut isumaliutersuuteqanngillat. Soorlu 2012-imut aningaasanut inatsisissatut siunnersuummi ersittoq akerlianik Naalakkersuisut siunnersuuteqarput meeqqat atuarfimmi nerisarnernannut aningaasanik immikkoortitsisoqassanngitsaq. Meeqqat atuarfiat kommunit akissusaaffigaat, Naalakkersuisullu isumaqarput meeqqat atuarfiata ilaata, assersuutigalugu meeqqat atuarfianni nerisaqarnermik Namminersorlutik Oqartussat aqutsinissaat pissusissamisunngitsaq. Meeqqat atuarfianni nerisaqarnermik aqqissuussinerit kommunimiit kommunimut aammalu atuarfimmiit atuarfimmu assigiinngitsorujussuarnik ingerlanikuupput. Nuna tamakkerlugu assigiiaartumillu meeqqat atuarfianni nerisaqartarnissamik atuutilersitsineq ajornakusoortorujussuussaaq, nioqqutissanik pilersuinissamut periarfissat assigiinngitsorujussuuneri pissutiginnarnagu, kisiannili aamma atuartut pisariaqartitaasa sumiiffimmiit sumiiffimmut assigiinngiiaartorujussuuneri pissutigalugu. Taamaamat allaaserinninnittut iliuusaasinnaasut assiginngitsut 100%-imik aningaasalersornissaat qanoq akeqassanersoq Naalakkersuisut akisinnangaanngilaat. Tassani nerisassat atuarfinni sallaalliutigineqartussat ataasiakkaat akissaannik aalajangersaanissaq pisariaqassaaq.

4. Nuna tamakkerlugu atuarfinni nerisitsisarnissamut aqqissuussinnginnissaq sunik iluaqutissartaqartut Naalakkersuisut takorloorpaat?

Akissut: Naalakkersuisut isumaat malillugu atuartut inuttut atugaqarnermi, aningaasatigut kulturikkullu inissisimanagerat isiginiarlugu atuarfimmi nerisaqartarnermik aqqissuussinermik sumiiffinni atuutilersitsinissaq pissusissamisoornerpaajuvoq. Sumiiffiit ilaanni meeqqanut inuttut atugarliortunut tunngatillugu aqqissuussinissaq, assersuutigalugu ullaakkorsiornermik aqqissuussineq, pissusissamisoornerpaajussaaq, allanilu immaqqa ullup qeqqasiortarnermik neqeroorteqartoqaannarsinnaalluni. Qaasuitsup Kommunia assersuutigalugu naliliivoq atuarfimmi atuartunut tamanut aqqissuussinerup atuunnissaa pisariaqanngitsaq.

Inussiarnersumik inuulluaqqusilluta

Med venlig hilsen



Palle Christiansen